

Vuk'uzenzele

Uyefulelwa Lumphiko Lwahulumende Lwetekuchumana Netekwatisa (i-GCIS)

English/Siswati

Inyoni 2022 Lushicilelo 1

Kudla kweSizulu kubeka iresitjirenti yaseKapa ebalaveni

Owen Mngadi

Ngekukhangisa ligcabho kumagugu akhe ngekusebentisa kudla kwendzabuko, umnikati wendzawo yekudlela Mmabatho Molefe ubeke indzawo yakhe yekudlela, i-Emazulwini, kulibalave lemhlaba ngemuva kwekutsi ifakwe eluhlwini lwetindzawo tekudlela ku-50 Next.

Loluhlu lusho emagama lange-50 ebapheki bemhlaba labajabulisa kakhulu, labanelikhono lekutsi ngalelinye lilanga bangene eluhlwini lweTindzawo Tekudlela Letinge-50 Letiphuma Embili.

Molefe (27) wasungula indzawo yakhe yekudlela yeSizulu yesimanje eKapa e-V&A Waterfront Makers Landing nga-2020, ngemuva kwekuphelelwa ngumsebeni embonini yetindzawo tekudlela ngenca yelubhubhane lwe-COVID-19.

Utsi kupheka lokudla kwakhe kwagcugcutelwa

yindlela lakhuliswa ngayo KwaZulu-Natal lapho gogo wakhe bekapheka khona kudla kwesintfu. Ukholelwa ekutsini loko kwamsebenzela kakhulu ngobe kwamsita kutsi ehluke kulabanye kulomcudzelwano we-50 Next.

Molefe utsi i-Emazulwini, seyihehe bantfu baseNingizimu Afrika kanye netivakashi temave angephandle tinesifiso tekuva lokudla kwakhe lokugcugcutelwe kudla kweSizulu. I-Makers Landing, yindzawo yaseNingizimu Afrika yekudla nemasiko, yindzawo lemlungele kakhulu yena, kusho yena njalo.

Emazulwini utfola kumenyu kudla lokumihiba lesikho-mbisa, lokugcucuka ngaleso naleso sikhatsi semnyaka. Kudla kwaMolefe kuphakelwa kakhe, futsi kufaka ekhatsi Isijingi – liphilishi lematsanga, ematsanga latfosiwe, ijeli yemampentjisi kanye ne-ice cream yabhotela lonsundvu; sibindzi neshakalaka – sibindzi senkabi lesigcotjiswe ngabhotela, ishakalaka lenemalentseli laliphuti kanye nelisobho la-anyanisi; kanye nelicandza, sibindzi nashatini – i-tartlet enelitamatisi, tibindzi tenkhukhu kanye nelisobho lemncweba nemtfubi welicandza.

“Nawufika eKapa, ngeke usitfole sitfombe lesingiso kutsi iNingizimu Afrika injani, ngaleyo ndlela-ke ngase ngincuma kutsi ngime nguloko lengingiko ngekudla kwendzabuko kute ngikhombise bavakashi loko lesikudlako. Ngiyatitjela onkhe malanga ekuseni kutsi ngicoca indzaba yami; sihumusho sami sekutsi kuyini kudla kweSizulu. Ngiyetsemba kutsi bantfu batakwemukela njengaloku kunjalo. Sinelitse-mba lekwenyusa kudla lokwetayelekile kube

Iyachubeka elikhatsini lesi-2



Mmabatho Molefe, umnikati weresitjirenti Emazulwini leseKapa sewatiwa mhlaba wonkhe ngekudla kwakhe kwendzabuko.
Titfombe nguMolefe.



Youngsters unite against unemployment

Page 8



Don't miss an opportunity to study overseas

Page 13



Kufundza iVuk'uzenzele faka iGOVAPP ku:



Bheka- SA Government ku Google playstore nome appstore

TSINTSANA NATSI

Vuk'uzenzele

@VukuzenzeleNews

Iwebhusaythi: www.gcis.gov.za I-imeyli: vukuzenzele@gcis.gov.za
www.vukuzenzele.gov.za Lucingo: (+27) 12 473 0103

Tshedimose House:

1035 cnr Frances Baard and Festival streets, Hatfield, Pretoria, 0083

LIPHEPHANDZABA LAMAHHALA, ALITSENGISWA

Ichubeka isukela elikhasini le-1

ngulokusezingeni lelingakavami. IKapa inelinanibantfu lelahlukahlukene, ngaphandle nje kwetivakashi temave emhlaba; bonkhe kufanele kutsi bati mayelana nekudla kweSizulu,” kwasho yena njalo.

Tindzawo Tekudlela Letinge-50 Letihamba Embili Emhlabeni

Kwakuyindlela yaMolefe yekwenta kudla kwendzabuko kutsi kube kwesimanje lokumente watfola indzawo eluhlwinini lwe-50 Next, lebungata njalo ngemnyaka bantfu labange-50 labangephasi kweminyaka lenge-35 labaneligalelo emkhakheni

wetekudla emhlabeni wonkhe. Lomcudzelwane usita labapheki bekudla labahlakaniphile kutsi bakhangise ngekudla kwabo emhlabeni wonkhe.

Molefe wahambela umcimbi wemiklomelo ngeNhlaba eBilbao, eSpain, kantsi utsi kwaba lusuku lwetinkhulumiswano nalabanye bapheki tekumfakela lusikisiki.

“Ngibe nenhlanhla yekutsi ngitfole bantfu labavela kulo lonkhe lelive lakitsi futsi bemacembu onkhe ebudzala kutsi bete batekudla kudla kwami. Bantfu banembono lotsatsa luhlangotsi mayelana nematfumbu (kwangekhatsi kwesilwane lokudliwako) kantsi ngifuna kubakhom-bisa kutsi nawukupheka kahle, ku-nganambitseka kamnandzi


njengayo nome ngabe nguyiphi inyama. Ngifuna futsi kugcugcutela kutsi silwane sidliwa kusuka enhloko kuya emsileni, ngicale lendlela lesimeme yekudla,” kusho yena njalo Molefe. Amazulwini iphindze futsi yaphumelela umklomelo we-African Restaurant of the Year kuMiklomelo yesine wemnyaka ye-Luxe Restaurant Awards ekucaleni kwalomnyaka.

Lisu Lekwakha Kabusha Nekuvusetela Temnotfo

Amazulwini kucashwe bantfu labane kantsi Molefe unemasu ekuyikhulisa lebhizinisi yakhe. Utsi emagugu lanotsile ase-Ningizimu Afrika ngiwona laheha tivakashi.

Njengencenye yeLisu

Lekwakha Kabusha Nekuvusetela Temnotfo, hulumente ubone umkhakha wetekuvakasha njengesingenelelo lesimcoka kanye nesikhutsati lesimcoka sekuvusetela kabusha temnotfo.

Litiko Letekuvakasha, umkhakha lotimele kanye nalabanye labatsintsekako labahlanganyele kuLisu Lekuvusetela Kabusha Umkhakha Wetekuvakasha, lokutawusita ebudlelwaneni belisubuciko emkhatsini wahulumente nalemboni kute kwentiwe ncono kuphatseka kwetivakashi. Loku kutawukwentiwa ngendlela yekutsi kwe-tfulwe ema-e-visas, kugcugcutela kuphepha kwebavakashi kanye nekwenta kutsi kube lula kutsi labasebenta ngetimvakashi betfu batfole timvume. 

Kute utfole lwatiso lolwengetiwe ngendzawo yekudlela Emazulwini shayela ku-062 160 2347

Utsi nje bewati?

- Bemabhizinisi lasacatfuta emkhakheni wetekuvakasha akafaka sicelo sekusitwa ngetimali Litiko Letekuvakasha, lelitawuphindza futsi liwakhombise kutsi angatikhangisa njani liphindze futsi liwanike lokunye kwesekelwa.

- Kute utfole lwatiso lolubanti, vakashela ku: www.tourism.gov.za/Pages/home.aspx

Yonga imali: Tsenga imphahla lengakhokhiswa umtselontsengo



Allison Cooper

Ngesikhatsi tindleko tekuphila tivakalela kutakhamuti tase-Ningizimu Afrika, ikakhulu leto temakhaya lanemalingena lephasi, ungaba nesiciniseko sekutsi ngemali yakho utsenga lokunyentana nawutsenga timphahla letingakhokhiswa umtselontsengo.

Timphahla letingakhokhiswa umtselontsengo kudla lokutsite lokusisekelo bantfu

lokungafanele kutsi bakhokhele umtselontsengo nabaku-tsenga, lokusho kutsi kutse-ngiswa ngentsengo lephasi. Bantfu labatsenga kudla lokuseluhlwinini lwekudla lokungakhokhiswa umtselontsengo bangatfola kakhudlwana ngemali yabo, lokuyintfo lesita kutsi bakhone kutsenga kudla lokunemsoco.

Ngekusho kweLubalobalo lwaseNingizimu Afrika (i-Stats SA), kudla kanye netinatfo letite tjwala ekhatsi (i-NAB)

kubite-8.6% ngetulu ngenyanga yeNhlaba kulonyaka kunangenyanga yeNhlaba nga-2021.

I-Stats SA itsite imikhicito yekudla leenyuke kakhulu sinkhwa kanye nalokusanhlavu (lokufaka ekhatsi imphuphu), inyama, woyela nemafutsa – konkhe loku kudla kwemihla ngemihla emakhaya lamanye-nti.

Sinkhwa nemikhicito lesanhlavana kwenyuke nge-11.2% kusukela ngeNhlaba nga-2021, kwenyuka nga-8.4% ngenyanga yeNkhwenkhweti lonyaka, ngesikhatsi Inkhomba Yetsengo Yebatsengi (i-CPI) yenyuke nga-1.1%. Kwenyuka ngenyanga kube ngu-2.6%, kwenyuka lokubona-kele kwentsengo yemphuphu (5.2%), kwesinkhwa lesinsundvu (3.2%) kanye namakaroni (3%).

Kwengeta kuloko, intsengo yenyama yenyuke nga-9.5% kusukela ngeNhlaba 2021 kuya ngeNhlaba 2022, futsi kubite kakhulu kwengca ngeNkhwenkhweti 2022.

Bowoyela nemafutsa kwenyuke ngemnyaka nga-32.5%, nakucatsaniswa na-26.9% ngeNkhwenkhweti ngesikhatsi kwenyuka i-CPI. Kwenyuka kakhulu kwentsengo yewoyela yatjikanelanga, ikakhulu, ngiko lokwetfwea umtfwalo tabelomali.

Yonga ngemphahla lengakhokhelwa umtselontsengo


Timphahla letingakhokhelwa umtselontsengo tetfulwa nguhulumente nga-1991 kusita emakhaya laholo imihlo lephasi. Kusukela tetfulwa kwekucala, setinyenti tintfo letengetiwe kuloluhlu.

Ngekusho kweLuphiko LwaseNingizimu Afrika Lolugcogca Imali Yemtselontsengo, kudla lokungakhokhelwa umtselontsengo kusezigeni la-0% – lokusho kutsi bantfu batikhokhela ngephasi nga-15% letimphahla ngobe akukafaneli kutsi bakhokhele i-VAT.

Letimphahla tifaka ekhatsi leletilandzelako:

- Isinkhwa lesinsundvu
- Umbila lowomile nemi-lirayisi
- Fulawa wesinkhwa lesinsundvu (ngaphandle kwetimphephezi takolo)
- Sitambu
- Emacandza
- Tibhidvo netitselo letinsha
- Emabhontjisi lomile
- Ema-lentil
- Imphuphu
- Irayisi
- Inhlanti lesesikoteleni
- Woyela wetibhidvo wekupheka (ngaphandle kwe-woyela ye-olive)
- Lubisi, lubisi loluvutsiwe, lubisi lwemphuphu nalokuhlanganiswe nelubisi
- Okusabhontjisi, njengemaphisi, emabhontjisi, emantongomane njll.

Tishubelo (ema-pads) akakhokhelwa umtselontsengo, nema-pads abomake nema-panty liners.

Bomkhulu nabogogo kufanele kutsi babute titolo tabo tendzawo kutsi bayanikwa yini labahla imphesheni tephulelo, ngetinsuku letitsite, etimphahleni letikhokhelwa umtselontsengo. 



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production
Regomoditswe Mavimbela
Regomoditswe@gcis.gov.za

Acting Editor-in-Chief
Zanele Mngadi | Zanelemngadi@gcis.gov.za

Acting Managing Editor
Tendai Gonesse | tendai@gcis.gov.za

News Editor
Noluthando Motswai

Writers: More Matshediso
Ursula Graaff

Graphic Designers
Tendai Gonesse | Benny Kubjana

Production Assistants
Jauhara Khan | Sebastian Palmer


Language Practitioners
Nomgcibelo Motha | Boitumelo Phalatshe
Thandolunye Khulu | Mahanyele Ramapala

All rights reserved. Reproduction of the newspaper in whole or in part without written permission is strictly prohibited.

Vuk'uzenzele
is published by Government Communications (GCIS)



Printed by:



Distributed by:





Sekela emaphoyisa kute ente iNingizimu Afrika iphephe

Kunekwandza kwekunyanya nekutfukutsela kwemmango ngenca yemazinga ebugebengu kulelive letfu.

Lokubanjwa kwenkunzi nekugagadlelwa kwemantfombatana lasiphohlongo lokusandza kwenteka eKrugersdorp lokubange kutsi kube nekutfukutsela veni lonkhe lokuholele ekutseni kutsatfwe sincumo sekulwa nemacambu lemba timayini ngalokungekho emtsetfweni kulenzawo.

Luphiko Lwetemaphoyisa lwaseNingizimu Afrika luyatuseka ngesinyatselo lasitsetse kulamaviki lamatsatfu lengcile ekuphendvuleni kulokugagadlela lokwentiwe licambu letigebengu kanye nebugebengu kulenzawo. Nanome kunjalo, imimango iphawule kahle yatsi akufaneli kutsi kudzimate kwenteke bugebengu lobukhulu kube ngukhani kutsatfwa sinyatselo sekulwa nebugebengu.

Liciniso kutsi tinyenti tinsaye-ya letimatima tebuphoyisa taseNingizimu Afrika letibukene nato. Kodvwa sisebenta kamatima kutsi sitincobe.

Njengawo onkhe ematiko ahulumende, Luphiko Lwetemaphoyisa lwaseNingizimu Afrika, luyayiva imitselela yenkinga yetetimali tahlumende walelive, iminyaka leminyenti yekungabi netisebenti letiphelele kanye nekubanjwa ngabhongwane kwelive. Emalunga emaphoyisa aphindze futsi asebente etindzaweni letiyingoti lapho kudzingeka khona kutsi abukane nebudlova, kulimala nome kufa.

Bugebengu lapha eNingizimu Afrika ngeke bucedvwe ngaphandle kwembutfo wetemaphoyisa locinile, lokhonako nalonebungcweti. Emandla ekwenta tintfo embutfo wetemaphoyisa aseNingizimu Afrika kwaba nguletinye tinkinga letavetwa kumbi-

ko wePhaneli Yetingcweti kuleTiphitsiphitsi tenyanga yaKholwane nga-2021, kwanyalo simatasatasa sitsatsa tinyatselo tekutsi sikulungise.

Njengaloku sesibuyisele esimeni kutinta lokudzingeke kakhulu ebuholini be-SAPS, nyalo-ke sigcile ekuvaleni emagebe ekukhona kusebenta lokuholele ekutseni tiphatsi-mandla tetfu tekucinisekisa kugcinwa kwemtsetfo tikhandzakale tingakatilungiseleli kutsi tibukane netehlakalo tenyanga yaKholwane leyengca.

Kubete tisebenti letanele kanye nekweswelakala kwekucecshwa kube nemtselela lomkhulu ikakhulu emmanngweni kanye naseKugcineni Kuthula Emmangweni.

Hulumende ubekele ecaleni imali yekutweba emaphoyisa lamasha latawucecshwa la-12 000, kantsi licambu lekucala lisacecshelwa umsebenti losisekelo. Emayunithi Emaphoyisa aseNingizimu Afrika Ekugcina Kuthula Emmangweni atawutfoa emalunga langetiwe la-4 000 kulomnyakatimali, kantsi kusentiwa emalungiselelo lafanene ekucecesha lamalunga.

Ngekusebentisa loko olesikufundza ngesikhatsi setiphitsiphitsi takholwane, sesimatasatasa kutsi sente ncono budlelwane emkhatsini wema-ejensi ekucinisekisa kugcinwa kwemtsetfo kanye netimboni tekuvikela letitimele ekulweni nebugebengu.

Sidzinga kutsi kube nekuchumana lokuhlangene nabo bonkhe labatsintsekako, lokufaka ekhatsi betemabhezini, kute kutsi kwabelanwe nemitfombolusito netebunhloli tebugebengu netekuphepha kwemmango kute kubukanwe nebugebengu lobutsikameta kusebenta kwetemnotfo.

Sibonelo lesifanana nekusebentisana emkhatsini ne-Transnet Freight Rail ne-SAPS ekulweni nekwebiwa

kwesakhiwonchanti kanye nekucekelwa phasi kwe-tintsambo tagezi. Lobugebengu bunemtselela lomkhulu emnotfweni ngobe tinkampani atikhoni kutfutsa imikhicito yato itiyise etikhumulweni letiphumela ngephandle. Lesinye sibonelo sekusebentisana sisemkhatsini kwetekuvikeleka temayini, netekuvikeleka letitimele kanye ne-SAPS ekulweni nekwebiwa kwetinsimbi letiligugu.

Ngenca yalemitamo yekuhlanganyela, sesibona inchubekelebili etindzaweni letifanana neMpumalanga kanye naseLimpopo lapho bekutindzawo tekungabi nekutinta njengaloku tinsimbi letebiwe betihanjise tiyiswe emamakethe aphesheya langekho emtsetfweni.

Ngekusebentisa emayunithi ekungenelela, i-SAPS ibe nenchubekelebili ekulweni nebugebengu lobuhleliwe, lokufaka ekhatsi emacambu etigebengu tetidzakamiva nekugumbva timayini ngalokungekho emtsetfweni.

Umbutfo Wetemaphoyisa waseNingizimu Afrika usungula licambu lekusebenta lelitawubukana nekumbiwa kwetimayini lokungekho emtsetfweni, ngekusebentisana nalamanye emacambu ekusebenta labukene nekuphangwa kwenzawo yekwakha, litfusi nekwebiwa kwetintsambo, kanye nekweba nekonela phasi nome kuhhohlota sakhiwonchanti setemnotfo.

Ngaphandle kwetimphumelelo tekuchuba buphoyisa nemphumelelo ekubukaneni nebugebengu betemnotfo, kusebenta kamatima kwe-SAPS ekulweni nebugebengu ngebubanti esikhatsini lesinyenti akunakwa.

Kulomnyakatimali lophelile, sibonelo, Tekuphenya Bugebengu te-SAPS tikhona kutsi kube netigwebo tekudzili-

kelwa lijele letinge-206 kulabo bebangema-209 labebasolwa, kwatsi lati-154 bekukubulala nekudlwengula. Emayunithi e-SAPS eTebudlova Basekhaya, Tekuvikela Bantfwana Nematicala eTemacansi aphumelele kutigwebo tekudzilikelwa lijele letinge-356 kulabo bebangema-266 labebasoleka. Tekulandzelela basolwa tibe nemphumela wekubamba laba-13 000.

Ngenca yemazinga lasetulu ebugebengu emmanngweni wetfu, kusasekunyenti kakhulu lekumele kutsi kwentiwe. Kodvwa letibalo tiyakhomba kutsi tigebengu letinengi tiyabanjwa ngemphumelelo futsi tishushiswe. Ativunyelwa kutsi tiphume nje.

Luphiko Lwemcondzisi Weluphenyo Lwemacala Labekwe Embili, lolwatiwa ngekutsi ngema-Hawks, lufezekise tonkhe tinjongo talo kulomnyakatimali lophelile, lokuholele kutsi kube nekubanjwa kanye nekubekwa licala, kudliwa kwemphahla, kuvinjelwa kanye nemiyalo yekubekwa licala kanye nemiyalo yekudliwa imphahla lokulingana linani letigidzi temarandi. Timphahla kanye nekuboshwa lokwentiwe ngema-Hawks kufake ekhatsi kumba timayini ngalokungekho emtsetfweni, konakalisa emaphayiphi emafutsa, kubanjwa kwenkunzi kwetimoto letitfwala imali kanye nekubulawa kwemaphoyisa.

Ema-Hawks acale kusebentisana neLuphiko Lwetekuphenya Lwe-NPA mayelana nemacala laphatselele nekubanjwa kwembuso ngabhongwane.

I-SAPS beyisololo ikwesekela kulwa nebudlova lobucondziswe kubulili lobutsite, yakha emakamelo labahlukumetekile labatawukhona kukhululeka kuwo etiteshini temaphoyisa kanye nekutsenga cishe tinsita tekugcogca bufakazi letisigamu sesigidzi letitawusajaliswa

etiteshini.

Tebuphoyisa ngeke tiphumelele ngaphandle kwekusebentisana kwemimango. Ngaleso sizatfu-ke, simatasatasa ekutseni sengete kuchumana kweTinkhundla Tebuphoyisa Bemmango kute sente ncono budlelwane betebuphoyisa nemmango.

Siyayitusa leyo mimango leyenta siciniseko sekutsi tindzawo tayo tigcineka tiphephile ngekuhambahamba bantjinjele etitaladini, ngekusebentisa imikhankhaso yekucaphelisa ngebugebengu kanye nangekwenta leminyenti imisebenti.

Ngekusebentisa umbiko wePhaneli Yetingcweti njengesisekelo sekuhleleka, sekuhlela kabusha nekubeka embili imitfombolusito, kwenta ncono emandla ekusebenta kanye nekucinisa emandla ekucinisekisa kugcinwa kwemtsetfo kuwo wonkhe umuntfu.

Kuba liphoyisa kungumsebenti lomatima kakhulu, imisebenti lecindzetelanako naleyingoti kulelive letfu, esikhatsini lesinyenti futsi awabongwa. Nanome kunyanya kwemmango ngenca yebugebengu kuyavisiseka, kulishwa kutsi loko bese kuholele ekutseni kube nebutsa lobucondziswa emaphoyiseni etfu, lachubeka njalo ngekusisebentela nekusivikela.

Njengaloku hulumende asebentela kunika emaphoyisa imitfombolusito ledzingekako, kucecshwa kanye netabelomali tekwenta imisebenti yawo, ngicela bonkhe bantfu baseNingizimu Afrika kutsi bahlanganyele kulomtamo wekugcina titaladi tetfu nemimango yetfu ite bugebengu.

Asikwatise kusebenta kamatima kwemaphoyisa etfu futsi siwasekele ngalokuphelele ekwenteni iNingizimu Afrika kutsi ibe yindzawo lephephe kakhulu.